

I Batûts, origin dal fenomen e curiositâts

Foto: "Archivio SOMSI - Fondo Bront"

Origin storiche e panoramiche su lis religions:

I tiermins flagjelants o batûts a indichin un moviment religjôs caracterizât de pratiche de autoflagjelazion publiche o private par espiâ lis colpis e rivâ ae union cun Diu. Cheste pratiche e à une origine une vore antiche, pre cristiane, bastè pensâ che e jere presente in cetantis religions come par esempi tal cult egizian di Iside, o tes fiestis romanis de Lupercalia, fiestis religjosis che si celebravin ai 15 di Fevrâr, in onôr di Lupercus, diu de fertilitât e protetôr dal bestiam. Une part dal rît, che o citi parcè che e je curiose, e proviodeve che doi zovins di famee patrizie a lassin intune grote consacrade al diu sul cuel Palatin, a vignissin iniziâts sul cerneli cun sanc di cjavre e vistûts cun piels di nemâi sacrificâts. Lis piels po dopo lis taiavin a strissis par doprâlis tant che frustis. Cun chestis frustis a frustavin duçj chei che a cjatavin, sore dut lis zovinis, che anzit, si ofrivin di lôr volontât par purificâsi e sigurâsi la fertilitât.

Te societât greghe, invezit, la autoflagjelazion no jere proviode, parcè che la morâl dal timp e consintive la esaltazion dal cuarp e la nobilitazion de "cjar" in duçj i siei aspiets.

Ancje te tradizion ebraiche i fedêi si autoflagjelavin vie pes grandis cerimoniis tal templi di Jerusalem. Cu la predicazion di Jesù, invezit, la pinitince e tache a vignî associate ae preiere come un valôr nobil e alt che al è ben fâ par

sigurâsi la benvolence divine. Fin dal principi de epoche cristiane, i fedêi, braurôs di praticâ i insegnaments cristians, a tachin a meti in pratiche une vite fondade su la pinitince. I prins a jerin i fraris eremits che, scjampant dal mont materiâl e teren, si ritiravin intune vite di isolament e rinuncie. Te Europe cristiane, la flagjelazion e tache a cjapâ pît soregut te Ete di Mieç. E cjapave dentri tancj ordins religjôs come par esempi i

Glesie di Sante Marie dai Batûts in Borc di Puint (bande difûr) - agns '30.

